



ГАЗАР ЗОХИОН БАЙГУУЛАЛГЕ,
ГЕОДЕЗИ, ЗУРАГ ТҮЙН ГАЗРЫН
ДАРГЫН ТУШААЛ

2017 оны 11 сарын 10

Дугаар А/268

Угсаатан №

Заавар батлах тухай

Монгол улсын Засгийн газрын агентлагийн орх зүйн байдлын тухай хуулийн 8 дугаар зүйлийн 8.4 дэх хэсэг, Газрын тухай хуулийн 23 дугаар зүйлийн 23.2.21 дэх заалт тус Газрын даргын дэргэдэх зөвлөлийн 2017 оны 3 дугаар сарын 31-ний өдрийн хурлын 07 дугаар тэмдэглэлийг тус тус үндэслэн ТУШААХ нь:

1 Балчээрийн экологийн чадавхийг зургах зааврыг хавсралтаар баталсугай.

2 Энэхүү зааврын дагуу балчээрийн экологийн чадавхийн зургаллыг аймгийн хэмжээнд 2020 он хүртэл бүрэн боловсруулж, газар зохион байгуулалтын үйл ажиллагаанд мөрдөж ажиллахыг аймгуудын Газрын харилцаа, барилга, хот байгуулалтын газарт үүрэг болгосугай.

3 Зааврыг орон нутагт мөрдүүлэхэд мэргэжил арга зүйгээр хангаж ажиллахыг Газар зохион байгуулалтын хэлтэс /Ж.Батсайхан/-т, тушаалын хэрэгшилтэд хяналт тавьж ажиллахыг Захиргаа, удирдлага, хамтын ажиллагааны газар /Р.Ганхуяг/-т тус тус даалгасугай.

ДАРГА



Ц.ГАНХҮҮ

08 00950

Газар зохион байгуулалт, геодези, зураг зүйн
газрын даргын 2017 оны 11 дүгээр сарын 10-ны
өдрийн 1/268 дугаар тушаалын хавсралт

НЭГ. ЕРӨНХИЙ ЗҮЙЛ

1.1. Бэлчээрийн экологийн чадавхын зураглалын тухай

Бэлчээрийн экологийн чадавх гэж ашиглалтын нөлөөнд үзүүлэх хариу үйлдэл, ургамалжилтын төрөл, зүйл, бүтээмж нь бусад газруудаас ялгагдахуйц өвөрмөц, хөрс, өндөршил, уур амьсгал зэрэг физик шинжээр онцлог тодорхой нэгэн орон зайг хэлнэ. Энгийнээр бол экологийн чадавх бүтээмжийн хувьд ижил орон зай гэсэн үг мөн. Экологийн чадавхыг тодорхойлсны гол ач холбогдол бол байгалийн нөөц, түүний дотор бэлчээрийн экологийн чадавх, даац багтаамжид суурилсан ашиглалтыг нэвтрүүлэх явдал мөн.

Бэлчээрийн экологийн чадавх нь бэлчээрийн газрын гадаргын хэлбэр, хөрс, ургамалжилт, уур амьсгалын онцлогоор экологийн чадавхын бүлгүүдэд хуваагдаж, энэ нь төлөвлөлт болон мониторингийн үнэлгээний мэдээллийг боловсруулах суурь болдог.

Швейцарийн хөгжлийн агентлагийн “Ногоон алт” төслийн хүрээнд бэлчээрийн экологийн судалгааны багаас УЦУОСМХ, ГЗБГЗЗГ-ын мэргэжилтнүүд болон ШУА-ийн Ерөнхий болон сорилын биологийн хүрээлэн, ХААИС-ийн эрдэмтэд, зөвлөхүүдтэй хамтарч боловсруулсан “Монгол орны бэлчээрийн төлөв байдал, өөрчлөлтийн загвар нь 2015 онд баталгаажсанаар эдүгээ улсын хэмжээнд бэлчээр ашиглалтыг төлөвлөх, бэлчээрийн төлөв байдлыг үнэлж, хянах арга хэрэгсэл болон ашиглагдаж байна. Уг загварт Монгол орны зонхилох бэлчээрийг экологийн чадавхаар нь 25 бүлэгт ангилж, бүлэг тус бүр дээр төлөв байдлын шилжилт өөрчлөлтийг сайжруулах зөвлөмжийн хамт загварчилсан байдаг.

Бэлчээрийн тогтвортой ашиглалтыг хэрэгжүүлэхэд газар нутгийн онцлог, экологийн чадавх, бүтээмжит чанар, нөхөн сэргээх шаардлага зэргийг судалж хэрэгжүүлэх нь чухал байдаг.

Цаашид сумын нутаг дэвсгэрийн газар зохион байгуулалтын төлөвлөгөө болон бэлчээрийн төлөв байдлын мониторинг хийхэд зайнаас тандан судлалын аргаар боловсруулсан орон зайн болон цаг хугацааны өргөн агуулгатай хиймэл дагуулын мэдээг ашиглан боловсруулсан бэлчээрийн экологийн чадавхын зураглалыг /цаашид “Чадавхын зураглал” гэх/ өргөнөөр ашиглах хэрэгцээ шаардлага үүсч байна.